

PASTOR BIAL THAK KIHAWNGTE (11.1.2025)



GANGPIMUAL PASTOR BIAL

SUMTUKPHAI PASTOR BIAL



SINGNGAT PASTOR BIAL

To,

If undelivered please return to - TPC Office,
P.O. Box - 107
D. Phailian,
Churachandpur - 795128
Manipur, India



ESTD. MARCH 2008
FEBRUARY 2025

Hinna Vâk

Monthly Christian Magazine
AN ORGAN OF THE TANGPHAI PRESBYTERIAN CHURCH



TANGPHAI KOCHUAM LEH PUITU KISÂNG

- Khristian Sungkuan - Sungkuan hât a hi
- Gingtu leh a Mawpuaknate
- Jesu Khrista Pathianna

EDITORIAL | SERMON | KOCHUAM HUANG | REPORTS | SÛNNA ETC.

Editor : Rev. Kamkhotinthang Neihzial,
Executive Secretary

Joint Editors : Rev. C. Lalremruata, Consultant
: Rev. Luttinlel
: Rev. Khaisonthang Vaiphei
: Upa Thualkholian
: Upa Nengsuanthang
: Pi Hawipakkim, Secretary, CKNP
: Tv. Lianmuanthang, Secretary, CKKP

Business Manager : Pu Langlalthamuan
TPC Office D. Phailian
P.O. Box 107 CCPur-795128 Manipur
Phone No. +91 9958160325
Email - ehinnavak@gmail.com

Kum khat lak man : Rs. 150.00

A man pia nuam leh a la thak nuam ten Business Manager kianga hiatsak ding.

A SUNGAH THU UMTE

1. EDITORIAL	01
2. KOCHUAM HUANG	02
3. TANGPHAI KOCHUAM LEH PUITU KISÂNG	04
4. KHRISTIAN SUNGKUAN - SUNGKUAN HÂT A HI	08
5. GINGTU LEH A MAWPUAKNATE	13
6. JESU KHRISTA PATHIANNA	23
7. KNP HUANG	29
8. KKP HUANG	31
9. SUNNA	38

SYNOD PUIPATE

Moderator : Rev. Vanlalchhuanga
Secretaries : Rev. Andrew LR Khiangte (Sr.)
: Rev. Summinlian (Jr.)
Finance Officer : Upa Tinliankham
Statistician : Rev. Thianganlim
Executive Secretary : Rev. Kamkhotinthang Neihzial
Consultant : Rev. C. Lalremruata

Hinna Vâh ah thu kisua zosia hi Editor ngaidan a hi suak puai



Pauchapna Thupi:

1. Pastor Bial KNP Kikhawmpi, KNP Kikhawmpi Lian, KKP Vaihawm Kikhawpte Taksa leh Thagau ah lawting tak ah mat a hi theina ding in pauchap hitiu.
2. Kochuam tin Naupang Sunday School zilsaktute â ding in; i cha leh nauteu Pathian thu diktak ah a zilsak theina ding un leh Piting zilsaktute â ding inle pauchap hitiu.
3. Bial enkawl Pastor-te leh a zi leh chateu â ding in pauchap hitiu. Chuleh, Pro. Pastor leh Evangelist-te â ding inle pauchap hitiu.
4. Gamsung buaina ziak ah panlatu pawl chuam chuam ah puitute a ding in pauchap hitiu.

Editorial

Hinna Vâk ngâinatute zosia **Hinna Vâk** sim kit thei ding in i um kit tau a, simtu dawitakte Lalpa Jesu min in Chibai ka hun bûk hi.

Tukum hi Office ah hotute kithen kum a hi ban in Editorial Board thak le i nei ui. Tuchung ah hin Synod Kikhawmpi thupukna bawzuinate, Kochuam nasepna chuam chuamte leh Kochuam thu kihattuana ding ah thupawimawte taklat a hi ban in article leh sermon chuam chuam a hung kisua hi.

Tu tha' **Hinna Vâk** ah thu kisuata hi chawp leh chil ah chialkawm himaleu thu hawitak tak a ei hun zik piak thei ua, simtute'n i lawkpi ngeiu ka kinem hi.

Rev. K. Jama Vaiphei in Synod ah puitute kithen kum leh Synod Committee bak chuam chuam term bei kum ah puitu thakte hiatzui di leh sepzui di thupi hawi tak ei zik piak hi.

Rev. Ph. Thinaneilal in Sungkuantin i pawmaw mamau Sungkuan hat leh hisel tak hitheina ding ah thil pawimaw leh tepte zui ngâite a zik hi.

Golal Vaiphei in Gingtute â ding ah mawpuakna chuam chuam- Nisîn hinkhua ah te, Pathian lam ah te, Lalgam nasepna ah te, Gingtute chung ah te leh Ginglotute chung na tiang ah mawpuaknate hiatzui di a hun zik hi.

Rev. Laltlankima'n Jesu Khrista Pathian a hina pansan ah mihing in a bawl theilo tam tak bawl theitu a hidan a zik, ngainuam um tak sim di i hiu.

Zia thu chuam chuamte ah kipat Lalpa'n simtute zosia malzawl chiat ta hen!



Kochuam Huang

Pastor Bial KKP Conference nei zaw thu

Pastor Bial KKP Conference chu bangma buaina umlo in Pastor Bial 18 te'n taksa leh Thagau ah lawting tak in Biakna Kikhawp, Vaihawmna, Kitelna leh Fellowship te'n a mangzo thei ui. Leilon Pastor Bial bîk in a lemchang zaw ding ngaituana in a hun a chawn un, lawting tak ah a hung mat thei ngei uh le i dawisak hi.

Office Assistant lakbe thu

Synod Service Board 8:3 dt. 16.1.25 chun Contract Basis ah Office Assistant sêm ding in a nuai ah te hi lak ahiau.

Tv. Khaithianven, Bible Hill Kochuam, D. Phailian Pastor Bial

Nk. Nemchoihoi, Pengjang Kochuam, S. Kawtlian Pastor Bial

RMHS Teacher lakbe thu

Synod Service Board 9:5&6 dt. 17.1.25 chun Rostad Memorial

High School ah Contract Basis ah Teacher nâ semtu ding in a nuai ah te hi lak ahiau.

English Teacher

Nk. Daisy Neimuankim, New Lamka Kochua, New Lamka Pastor Bial

Hindi Teacher

Pi Lalmangaihzuai, Jubilee Kochuam, D. Phailian Pastor Bial

Pastor Bial thak hawn thu

Synod Kikhawmpi 3:11 leh OM 35:3 dt. 28.11.24 dungzui in 11 January 2025 (Kiginni) in Pastor Bial thak pathum (3) hawnna nei a hi. Bial thak hawn a hi zaw in Special Bial Kikhawmpi nei zawm a hi. 12 January 2025 (Pathianni) in Pastor kawidetna (Induction) Programme le nei ngal a hi. Bial thak hawn ah umte chu-

Gangpimual Pastor Bial

Hawngtu - Rev. C. Lalremruata, *Consultant*

Sumtukphai Pastor Bial

Hawngtu - Rev. Vanlalchhuanga, *Moderator*

Singngat Pastor Bial

Hawngtu - Rev. Kamkhotinthang Neihisial, *Executive Secretary*

HINNA VÂK

Chuleh, OM 37:5 dt. 9.1.25
dungzui in 22 February 2025
hileh Shillong Pastor Bial thak
hawwna le um ding a hi. Bial
thak hawngtu ding in Rev.
Vanlalchhuanga, Moderator
guat a hi. Bial thak hawn a hizaw
tak leh Special Bial Kikhawmpi
um ngal intin, 23 February
2025 ah Pastor kawidetna
(Induction) Programme le um
ngal ina. Induction bawltu ding
: Rev. Kamkhotinthang Neihzial,
Executive Secretary

Pastor leh Pro. Pastor Induction neizaw thu

Ni 12 January 2025 in Pastor
Bial chuam chuam ah Pastor leh
Pro. Pastor Induction Service
chu lamzang tak in a kinei hi.

Lay Leaders' Training

Tangphai Provisional Synod
nuai ah Kochuam Upate â ding
in Lay Leaders' Training 14 &
21 March 2025 sung ah hin
guanggal a hi. Training hi mun
ni, Tanggam leh Lamka Area ah
zia gual hin mat hi'na.

Tanggam Presbytery

A ni : Ni 14 March 2025

A mun : Munpi Kochuam

Resource Person :

i) Rev. Kamkhotinthang
Neihzial, *Executive Secretary*

ii) Upa Tinliankham,

Finance Officer

Lamka North & South Presbytery

A ni : Ni 21 March 2025

A mun : Hill-Town Kochuam

Resource Person :

i) Rev. C. Lalremruata,

Consultant

ii) Rev. Vanlalchhuanga,

Moderator

Pro. Pastor Orientation

Pro. Pastor thak Orientation
Programme hi Ni 11-12 March
2025 sung ah Committee
Room, Tangphai Provisional
Synod Office ah nei hi di a
hi. Zia hun sung ah resource
person ding ahin hotu suan um
tak tak mi 7 hial chial a hui ah,
amau ah kipat in thupi chuam
chuam Pro. Pastor thak â ding
liau liau ah a hung guanggal uh
chu zilkhawm hi di a hi.

TANGPHAI KOCHUAM LEH PUITU KISÂNG

~ Rev. K. Jama Vaiphei
S. Munnuam

*(....lau kin la, lungthuai diak kin, Lalpa la Pathian chun la
chiana taphawt ah hun umpi ding a hi ngâl ah. Joshua 1:9b)*

Ithupiu hi Tangphai Presbyterian Kochuam ah puitu kisâng zêl hilo, Tangphai Kochuam leh puitu kisâng zêl ti a hi.

Provisional Synod i hi nungu kum thum a hi ta, ningkum kha gam buailo leh chu Synod piting ah lânkai ah i um di kumu a hia, i gam ah politics thu ah sosâna a um zia in Synod piting i hina diu chu chawnlo theilo a hung hi ta'i. Meitei te tribal a hilo ziaqua, thingtang gam ah a chên theilo zia ku'n tribal hi ah, thingtang gam ah le chêng ah, thingtang mite quota zosia le India level ah lua thei di nawpna zia in thingtang mi hi di a nawp ma ma zia ku'n buaina chuam chuam a hung um ah, tu dinmun a hin i umu'i.

1. Committee chuam chuam

kisân kum a hi: Tukum hi Synod level ah - Executive Committee, Pastoral Committee, Finance Committee leh a dang dangte leh, Sub-Committee member zosia ah le term thak kipat kum a hi. Consultant leh Executive

Secretary le term thak kipat kum a hi. Zia bep chu hilo in Synod ah OM i tiu, Presbytery, Bial leh tualsung ah OB i tiu le a kisân kum a hi.

2. Tangphai Kochuam ah puitu chiadân (*leadership pattern*):

Tangphai Kochuam ah hin Synod

HINNA VÂK

ah kipat Tualsung tiang in puitute hi mimal thuneina a tawm ma ma ah, mimal mawpuakna vâng a um hi. Etsakna'n Secretary-te mawpuakna chu Committee thu passed bawzui leh seppitin a hia, hilehle Committee thulo in mimal thuneina (individual power) ah bawl thei umlo tawhbang a hi. Synod level ah le Synod Secretary-te, Executive Secretary-te'n a mawpuaknau chu Executive Committee neilo kêl ah, OM thu passed bawzui leh Executive Committee leh Committee dang dang thu passed bawzui a hi pên hi. Mimal thuneina exercise nuam mi â dîng ah chu lung ki-ipla a um ah um, hilehle bawlkhiâl a tawm ah tawm tina tawhbang a hi. Presbytery, Pastor Bial, Tualsung hileh, KNP, KKP ah le OB-te bêk in a genkhawm lo leh mimal in i ngaikhaw khaw kimaw bawl theilo a hi. Committee vang kêl ah thu kin umte chu OB te'n a

ngaitua ua, kial laplo, bawl manlo ti chu um diaklo a hi.

Minute Bu in Moderator, Chairman-te, Secretary-te'n suai kai chiat maleu lekha hawp dawna'n Secretary Senior/ Secretary-te min in a kihawm ah, Junior-te/ Asst. Secretary-te a ngâi puai (bang hem tia Secretary-te a lemchânglo ua leh 'for' ah suai a kai a ngai hun a hilo ngâl leh).

Synod leh Presbytery level ah chun Chairman te chu Moderator a kitia, Bial leh Tualsung ah chun 'Chairman' ma i tiu. Secretary-te chu - Synod, Presbytery leh Bial in - Secretary Senior, Junior i tiu ah, Tualsung KNP, KKP a chun Secretary Junior chu - Asst. Secretary te a hi.

3. Thupukna siam dân:

Tangphai vaihawmna chun - Moderator/ Chairmante'n âwnna lam nei ah ngaidân gen a lem pua, member a tam

zawte dawidan thupukna lâk a hia, thupukna chu a pha salote'n le a tamzaw ngaidan leh phasak dan kha a pha sak danua a pawm chiat ziang a hi. Kikhawmpi vaihawmna ah le ngaidan chini, chithum i genkhawm sau sau ah, thupukna i siam zaw khêl chu kithip chiat a hi ta'i. Dân tawh kituaklo chu a tam zaw'n pha sa lehle kichiapilo a hi. Committee ah kipat agenda hung lut haw le vaihawmna floor in lem a saklo chu a chiathenglo a h'em, sukdanglam a h'em a hi sek hi. A hung pawluttu Committee kha chu agenda committee gual bep a hia, vaihawmna zângkhai theina ding ah lemguatna a la siamlâwktu bep a hi. Vaihawm palaite ngaidan kha thuneina sângpen a hi.

- 4. Lau ki unla, lungthuai diak ki un** - Tangphaite bep hilo, khawvel pumpi kochuamte (universal church) zosia hi Pathian â i hiu. Kochuam neitu chu Pathian a hi. A

vaihawmtu, a châwmtu, a mapui piaktu chu a neipa chu a hi. Kumthak, term thak ah panna nei zosia'n Pathian tâlkhona Bible châng "lau kin, lung la kin (huphul kin)" a ti hi i taksan ua, i kikawppi chiat diu a hi. A diak in khawvel a phat zêl chun, kum kit 2026 hi Synod piting i hi kum diu hung hi ngei ina, Covid ziak, gâl ziak ah thil hung kichâwn gamla haw zosia hile Pathian in khawvel ah thil tungte mang ah ei siampitinna'n ngâi hitiu in, kikaihuaina dân bu chuam chuam - PCI dân bu, Mizoram Synod kivâipuak dân, Financial Rules, Pastoral Ministry kikaihuaina, Nupan chungchang dân leh a dang dang, KNP, KKP kikaihuaina dân bute hi i hiat nak ua, i zui thiam nak ua leh bangma i bawl maw diu a um pua'i. A diak in Mizoram Synod chiadân zui i hi ziaku'n - amau department nei zosia neilo maleu hin amau nei, ei unle i nei thei tau -

HINNA VÂK

- | | |
|---|--|
| <ol style="list-style-type: none"> 1) Synod Office Kivâipuak Dân. 2) Synod Officers Meeting. 3) Synod Secretary-te mawpuakna. 4) Synod Executive Secretary-te nasep di dân. 5) Executive Committee mawpuakna leh a nasep diu. 6) Synod Service Board. 7) Synod Education Board. 8) Synod Mission Board. 9) Synod Finance Committee. 10) Synod Pension & Provident Fund. 11) Synod Literature and Publication Board. 12) Synod Trust Committee. 13) Synod Revival Committee. 14) Synod Social Front Committee, leh eiu | <p>neilo Theological Committee, Worship Committee, Missionary Training College Committee leh a dang dang zosia hi - a chia didân a bu siam ahia - “Mizoram Synod Inrelbawl dân” kiti a bu um a hi. Amau in le zia dânte chu a zuiua, mi Lakh 6 vâl buailo kêi ah kipuihuai thei a hui ti i het diu a hi.</p> <p style="text-align: center;">Ziaziakchun, Lalpa’n Joshua</p> <p>kiang ah “lâu kin la, huphul kin Lalpa’n umpi zêl di a hi” a ti hi i ginchâk ua, a tak ah i mat ngamu a pawimaw hi. Ei haw hi a neitupa, grêp huan nasênte mai mai i hui. Rom 8:28 ah “Pathian in a guat ah a kote â ding in bangkim in a phatna ding un a siam piak sek hi” ti gual khan.....</p> <p style="text-align: center;">Simtu zosia â di’n Lalpa’n</p> <p>malsawm ta hen!</p> |
|---|--|

KHRISTIAN SINGKUAN - SINGKUAN HÂT A HI (Joshua 24:15)

~ Rev. Ph. Thianneilal Vaiphei
i/c Delhi Presbyterian Kochuam

Khristian sungkuan kiti chu a hiat bailampen in Khrista ah zungkai nu leh pa'n a hin cha leh naute tawh Pathian dawigual ah khawsak khawmna, Khrista batna lampi haw zing, kihilna, kitilkhona nei zing, gitlona haw leh gitlo/sual do zing sungkuan chu a hi.

Thiampu Eli te sungkuan buaina, lunggimna leh vangsiatna ziaak pen tak chu nu leh pa'n mi thu ngâitha utlo, mani ngaidan bep chiapina leh mani thu thu ah umna (ka insung thú a bang kikumna diu a um em! tina) te leh nu leh pa'n chate a thununlo ziaaku a hi. Ziagual sungkuan chu *"chawmlo kâl ah thingdua gual ah vuai ah pul thâkna"* hun thim tak chu hung tuak ngei ding a hui. Thiampu Eli te inkuan khan le a tuak pai ngal uh a hi kha! Miten a chapa te - Hophni leh Phinehas ten thil

phalo a bawl teu, kithawina sa zek a sukpawlche dan teu, zuau leh nal ah thil a bawl sek dan teu a genu kha Eli te nupan khan a ngaisak puau ah, a chate chu a hil diak puau ah, a gilo deu deu zaw nalai ua, a tawpna huaisia tak chu Pathian lungnatna kisunkhum in Hophni leh Phinehas te unau kha Nikhat/ hun khat in mêlmate khut in a thikhawm ua, a chi leh namte'n le mêlmate masang in mualphona huaise tak a tuak uh a hi. Ziagual inkuan chu hikhâk pal thei a hia,

HINNA VÂK

pilvan a ngai hi. Chate mi lak ah bangti'n a um em ti hechianlo ah kihúkpi tawp, a se ding ah gingchalo, a hil le hilo, chate gitlona kihúkpi, sual haw lo i hikhâku chun i mabanu chu limna kawlni êng bek bek lo di a hi.

Sungkuan hât leh hisel tak hitheina ding in thil pawimaw tam tak um ngei in ah, maleh, tuni hin Professor Nick Stinnett, *Chairman of the Department of Human Development and the Family*, University of Nebraska, in sungkuan 3000 te chanchin research a bawlina a mudawte vak ngaitua khawm hitiu:

1. Sungkuan hât leh hisêl te um dân: Joshua lekhabu ah kipat i mu teu

a. Israel nam Sepai lamkai a hia, thagau lam puitu le a hi. Eimite umdan, kochuam puitute chu neukhat diktat deu; nam puitute vang diktatna leh ginumna tasam ma ma hui in mipite'n i hiau hi. Bangziak? Sungkuan

kibulphu diklo ziaak a hi.

b. Pathian tawh a kiguizawpna hi i et leh Lalpa nasep chu a profession ding ah a dawitêl ngei ngei a hi.

c. Joshua leh a inkuante hin Lalpa nasem ding ah kipiakdawna, nawpna (commitment) a siam ui.

d. Lalpa nasem ding ah kipedawk te chu a um khawm mun sek ui.

e. Pathian â ding ah kipedawkte chu a umkhawm un a pauchap khawm thei sek ui. Pauchap khawm sungkuan chu sungkuan dangte sang in a kilungsiat un a kizâtua ma ma sek ui.

2. Pathian â ding ah kipedawkte chun tu leh cha Pathian mi tak leh mi hindan pha a hingdaw sek ui. Etsakna:

a. Max Jukes chu New York in a cheng ah, Khristian ginna bangma'n a ngâi puai. Suan leh pâk 1,026

- a nei ngei a, mi 300 chu a pitin mau in a thiu a; mi 100 chu kum 13 chiat gitlona zia in jail ah a tâng ua, mi 100 chu nawchizuak a hui a; mi 100 chu zungawl vei a hui.
- b. Jonathan Edwards, chu Pathian nasem mi a hia, suan leh pâk 720 a nei hi. Zia lak ah chun mi 300 thugen thiam; mi 65 College professor; mi 13 University Presidents; mi 60 lekhabu ziktu; mi 3 United States Congressmen leh mi 1 chu USA Vice-President a hi zo ui.
3. Pathian hepi ah, a na sêm sek sungkuan la hui chun Pathian pâk inla, zia thilpha chu bawl sunzawm zing in.
4. Sungkuan hât leh hisêl hi la nawp chun **“Hun Pha mangkhawm”** un. Anthropologist ten a suidan un kâl khat sung ah sungkuan ten hun dakkâl 168 i nei ua; ipmut hun dk. 56; nasep hun dk. 50; mimal thil bawl na hun dk. 10; a dang sia dk. 52 chu kâl khat sung ah *family time* i nei thei ui a tiu. Himaleh, nangu inkuan in kâl khat sung in dakkâl bangzat la nei thei u em? America ah chun zia dk. 52 sung ahin TV a enkhawm sek ui a tiu. Eimau in phone etna leh khawlai lenna’n i mangu em? Zia chu **“Hun Pha Mangkhawm”** kiti chu a hi puai. Hun pha mangkhawm kiti chu - sungkuan pauchap khawm, kihilna hun ah mang, *family fun meal* (picnic, pot-luck), museum leh zoo en ah chia, kihelna leh kisuklimna mangkhawm. Kiholim khawmna tite le bawl zêl sek a pha’i. Ziagual hun pha mangkhawm sekte chu sungkuan thilhithei leh hisêl a hi sek ui.
5. Sungkuan kihotuana pha (*family good communication*) nei ngei ngei ding a hi. Kihepina

HINNA VÂK

ding in kihotheina hi taksa ah thisan a pawimaw gual ah pawimaw a hi. Kihotheina a umlo phat leh hepina chu a thi pan ngal ta sek hi.

a. Kihotheina leh kituakna ding in “hepina ah thudik kigen piak tua” (Eph 4:15) a kûl hi.

b. Thuzuau/thuphalo i gen di phat leh Eph 4:29 “Thu phalo him him la kam un pawt kihen la, a kul dungzui ah mi dang siamphatna phachuam ding bep pawt zaw ta hen,” ti thu hi vak geldawk in, kisûm ah genlo mai di a hi.

c. Kihotheina pha nei theina ding ah pawimaw pathumna chu “thil a phalam (*positive*) gên tam ah, gêl tam” a hi. Mi sukkhial/diklona ha gen lo ah, phatnate kipâkchat thiam di a hi.

d. Kihotheina ding ah pawimaw palina chu “thu kingaithâk piak”

a hi. Pharisaite leh Sadukaite khan Jesu aw kha a hiau a, maleh a ngaithâk piak puau. He maleu le, a hechian puau (Mt 13:13). Mi thugen ngâitha peilote hin amau ngaidan dik ah gelna, midang bangma simlona lungthim a nei ziaku a hia, ziagual lunggel chun mi tawh kihotheina a susia sek hi. Sungkuan ah chun thu kingaithâk piak tua ah, thu kimat piak tua a ngâi ma ma hi. Chuti lo chun sungkuan hât leh hisêl siamdaw thei a hi puai.

Thutawpna: Khristian sungkuan itiu hi min bangti’n ei gel dia aw!? ti gel pawimaw sungkuan a hi ding a hi. Jesu’n a nungzuite kiang ah chun, “Mite’n kua a hi ei tiu em? Nangun kua a hi lei tiu em?” (Mk 8:27; Lk 9:18). Sungkuan fel leh dik ah kingâi ma ma, semtu leh Upa, KNP/KKP ah puitute i hi maithei, kochuam leh khawtâng ah kisuang,

bawlfu kisa ma ma hingal ah invengte â ding ah nawksak, a plot inch 1/2 ah khang zing, mi damtheina susetu sungkuan hikhâk thei a hi. Ziagual sungkuan chu “nang la kihepi gual ah la invengte le hepi in,” (Mt 22:39) ti simkhum ding ah kilawm bep, kihilna leh kitîlkhona neilo inkuan melchikna a hi. Acha leh naute mi’n a hil theilo thiampu Eli te

nupan gual ah le um thei a hi, pilvang hitiu. A tawpna pen ah chun, “Invengte kiang ah thudik gen in (Ep 4:25), diktat in, a zaum tapo, a fel tapo, a thiangtho tapo, a dawium tapo, kithang mêlpha tapo, thilpha leh pâkchâk ding him him ngaitua” (Phil 4:8) Khristian sungkuan hi ngei ding in dawisakna sang pen ka hun lân hi. Amen.

Mi’n a zilna a zaw a hi leh a thi ta sek hi.

E.A. Filene

Sakhuana panglo ah kiziltîlna chu mipil gilo siamna bep a hi.

Duke of Wellington

Zilna hi mipi hindan sudanglam thei gâlthuam phachuam, mi zosia’n a matthei umsun a hi.

Educator’s Sispatch

Zilna’n a tuppen chu a hiatlou he ding ah zilsak hilo in, a um didanu lamdik haw thiam ding ah lampi kawkmu hi a hi zawi.

Mark Twain

GINGTU LEH A MAWPUAKNATE

(Romte 12:1-21)

*~ Golal Vaiphei
B.Th., M.Div., M.Th.
South India Baptist Bible College & Seminary
Tamil Nadu*

*Khrista ah ka insung mite zosia, la bawn un chibai kahung buk
hi.*

Pathian in Sawlchak Paul mangcha in Rom khawpi ah gingtute kiang in tîlkhona lekthawt a la thawt lai ah khan, a kochuamte kha amau leh amau a kihetdaw theina ding un, bung 1-3:20 sung in mihing Pathian masang ah thiam chang theilo a hidan a taklat piak hi. Tichun, bung 3:21 ah kipat bung 5 na sung in thiamchanna chu a thawn ah Khrista ah ginna zâl ah piak a hidan a hung taklang kit hi. Bung 6 ah kipat bung 8 sung ah chun Khristian Thagau leh taksa ah kisuk thianthona lam a hil kit ah. Chun, bung 9 ah kipat bung 11 sung a hin Pathian thuneina leh Israelte mawpuakna a taklang hi. Chuleh, tuni i pansat ding ah bung 12 na ah kipat bung 15:13 sung hi Khristiante mawpuakna kawkmuna a hi kit hi.

A khen tawpna bung 15:14 ah kipat bung 16 sung hi a hileh, a lekha ziktu, Sawlchak Paul lungtup leh kochuamte a thu vaithakna te a hi.

I vak taklat gual un, tuni i ngaitua khawm diu a hileh, Romte bung 12 na a hi. Zia bung pumpi ah gingtute mawpuakna hi Pathian thu sûtmi, Matthew Henry kitipa

chun khen thum in a la khen hi: khatna, gingtute Pathian lam ah mawpuakna. A panina, gingu eimau â ding ah mawpuakna leh, a pathumna, gingtuten midangte chung ah a mawpuaknau ti in.

Matthew Henry khendan gual in ama khendan sang ah khen zak tam zaw deu in, gingtute mawpuakna hi khen 5 (panga) in khen hitiu.

I. GINGTU'N PATHIAN LAM AH MAWPUAKNA NEI (CH. 1)

Gingu khat in Pathian lam ah a mawpuakna thupi pen chu Thagaulam ah Biakna dan dik ah a Pathian a biak hi a hi.

Pathian ah kipat hinna nei zosia te'n mawpuakna a nei chiat ua, a diak ah eimau mihingte hin, ei siamtu Lalpa lam ah mawpuakna lian zaw diak i nei ui. Zia mawpuakna chu ahi leh, ei siamtu Pathian dawigual ah sêm di (*Joh. 4:34*), A lopina pe di (*Isaiah 34: 6-7*). Ama bia leh hotuten ama dawigual ah ama be ding in

ei dawi hi (*Joh. 4:23-24*), ama i biak zing lai ua hin, biakna dan diklo tamtak um a hi ti i hiau hi. Nidang lai a khan le Aaron thiampu lianpen chapa teni; Nadab leh Abihu te khan le Pathian dânlo gual a biakna ah kithawina mei thiangelo ah a lak zia un Pathian in a la hi mangthai mai hi (*Thp. 10:1-2*). Ziaziak a chun Pathian pawmtâk biakna dan dik ah i biak uh pawimaw a hi, zia biakna dan dik chu zia gual hi a hi:

i) *Taksa kithawina hing hi ding a lat di:* Zia kithawina hing kiti hi, nidanglai ah Pathian Biakbuk ah thaumei sagi kitung a mei mit ngailo (Pdt. 27:20-21), ban ah, thil gimtui kihal hun sin ah Pathian Biak-In gimtui in a lua dim zing (*Thp. 30:7-8*) leh, vaithum biak-In dawkan chung ah bei ngailo ah umzingte (*Thp. 24:5-9*) gual a khan a hi di a hi. A hinla, gancha a la kithawina sek dan uh kha tawh chu kituaklo in, Israelte kha gancha

HINNA VÂK

that in, a thisa ganchate in a la kithawi sek ui, himaleh Pathian in gan thisa kithawina kumsin ah a la latsek sang un, a zing thaumei, gimtui leh vaithumte gual a khan, kithawina hing, eimau hinna leh taksa ngei hi Pathian â ding ah, thaumei vak zing leh gimtui nam zing, a pawmtak hi ding in ei dawi a hi. Zia i hinnau hi, hunsin, nisin ah ama i piak ua, ama thunuai ah i kituklut zing ding u a hi. Ama mai ah thaumei mitlo leh gimtui nam zing, vaithum umzing gual ah, i kilat zing ua, i kipumpiak ua, Khrista ah i hin zing ua, eimau nawpnate chu gancha tha a latdaw a hi gual in Khraws ah that in i kilandawk ding a hi (Galatia 2:20). Zia chu Lal David in a la muchian ma ma ziak in Sam lekhabu in hiti hin a la gen hi “Pathian pawmtâk kithawina chu, gitlona kisik hi ahi’n; Aw Pathian, lunggil kinganiam

leh, kisik ngawi ngawi hi musit puan la” (Sam 51:1).

- ii) *Taksa kithawina Thiangtho hi ding a lân di*: Pathian in Israelte kiang in; la Pathian kiang ua la kithawina ding u ganchate chu gancha thiangthote, amau ah dem kailote bep a hi di a hi (Thp. 22:21). Chuleh nangmau le la tawidan zosiau ah la thiangtho diu a hi (1 Pe. 1: 15-16; 1 Th. 4:7). A hileh ei uh le Pathian kiang ah dem kailo ah i kilattheina ding u umsun chu mang ahi ta diam? Abram in Pathian a ging ah zia chu a dikna ngai a hi (Thl. 15:6; Rom 4:3). Lalpa ginna leh ama ah um tilo in mihing in thianthona kineilo a hi. Pathian pawmtak biakna dik chu kithawina thiangtho, lungthim leh thagau ah Pathian lunglam hawl ding a hi. Zia chu Pathian thu mang ah kisuk thianthona bep in mihing kithiangtho thei bep a hi (Sam 119:9).

iii) *Hinna Pathian pawmtak ah lân di:* Pathian pawmtak kithawina chu a hileh ama hepi thuk, chule eima i kihepi gual ua, ama dawilam ah hinkhua mat di, Zia chu, i mel kibatpiu midangte ei leh ei i kihepi gual ah i hepi ding a hi (Mat. 22: 37-38).

II. GINGTU'N AMA HINNA CHUNG AH MAWPUAKNA NEI (Ch. 2)

Gintute'n Pathian na i sep masang ua leh, Pathian thute i gen masang ua i ngaikhaw pen ding chu bang a hi diam? Eimau hinna a hi. Eimau thagau lam a fel na'm ti i kisuichian masak pawimaw a hi. Ziaziak chun a chung ah i gensateu haw: "Pathian dawigual, a pha leh pawmtak, leh a bukim chu la het theina ding un" bang hi un ei ti em?

i) *Khawvel dan gual ah umlo di:* Khawvel ah piang leh khawsate i hui, a hinla, khawvel hi Eden huan ah gitlona ah Setan khut ah khawtdawsa kha a la hitai.

Ziaziak chun khawvel hi Setan vaihawmna nuai ah um a hitai. Tichun, khawvel dan gitlona ah kipat in siam in a la umtai. Zia khawvel dan gualte chu a hui leh:

- a. Taksa nawpnate (Gal. 5: 16-21)
- b. Mit etnawp thilte (1 Jo. 2: 15)
- c. Kiletsakna
- d. Mani angung di bep khualna
- e. Zawntat thanhuaina
- f. Nawpchet nawpna (2 Ti 3:4)
- g. Kipilsakna (1 Ko 3:19)
- h. Itsikna, lungnatna, thatdana, mi gensiat hatna (Eph 4:31) leh a dang dangte a hi.

Pathian in "zia khawvel mite lakah kipat chun hung pawtdawk unla a chuam in um un, a thianglote chu khawi kha kiu in" eiti a hi (2 Ko 6:17). Khawvel ah kipat hin eimau thu cham in i pawtdawk thei puau, a hinla a thianglote khawi

HINNA VÂK

khalo ding in i kikawi kâng thei hi. Tichun, Pathian lunglam hawl ding in i kipe thei hi.

ii) *Lungthim ah siamthak ah um ding:* I Lungthimu hi Pathian leh Setan kidona phual a hi. Zia hi siamthak pawimaw a hi. Bang zia ah siamthak pawimaw a h'em? Thl 6:5 na chu i et a hileh "Lalpa'n lei chung ah mihing gitlo dan nasat zia leh a lungthim ngaituanau zosia le gitlona dim zing a hi ti a he ta'n." atii. Zia mihing lungthim gitlona dim sezota pen hi Pathian ah kipat siamthakna a umlo a hi chun, Pathian dawigual a pha chu kihetheilo a hi. Zia lungthim seta chu a kisiamthaklo a hileh Pathian pawmtak hinkhua kimang theilo a hi. Zia lungthim sezota chu a kisiamthaklo a hileh Pathian lam ah a bukim chu kihe theilo a hi.

iii) *Danglamna hinkhua nei di:* Kuale hitaleh Lal Jesu Lalpa

ah neitu chun danglamna hinkhua a nei ngei ngei ding a hi (2 Ko 5:17). A zia chu khawvel ah hung piang taphawt chu gitlona laigil ah pai a hi zia in gilo cha a hi (Sam 51:5). Kua hi ziang taleh khawvel mi, Pathian thagau in a siamthak nailo te, Pathian thagau in hiatna a piaklote chun taksa leh thagau ah danglamna a nei puau hi (1 Ko 2:14).

Tichun, gingtu khat kahi kiti chun a ma hinkhua a hung siam danglam a, Van ah Pa dawilam thilte a hung khual ta sek hi. Eksakna'n, Tangval in nungak a hung ngai ah, a hung lungsiat tak tak leh chu gentam ngailo in, a nungak ngai lung hawl in a kipei mai sek a hi. Zia gual ma chun min Pathian hepina leh dawina diktak a hung nei ah, Pathian thagau in a hung vil takzet a hileh chu kitheng danglam zawt mai a hi. Sawlchak Paul ngei khale vak en tiamu: Jesu muda pa ahia, Lal Jesu nungzuite dopa a la hi khala

maw. A hiziak ah Jesu a hung
hiatchian ah a hung hepi ah a
hung dawi ngallak phat a kha,
a thu kitangkopi pan ngal mai
a hi.

Nang in kidanglamna
bangma neilo hial ah Pathian
lung la tuak guat a hileh chu
hithei naisailo di a hi.

Pathian in eima lam ah
a thu gual ah, nisin Khrista
batna nei ding ah Khawvel mi
hina ah kipat ah danglam to
zel ding in ei dawi a hi.

Eima leh eima kienchian
leh kisudik to zel ah a Lalgam
na sêm ding in ei dawi a hi.

III. GINGTU'N LALGAM NASEPNA MAWPUAKNA NEI (Ch. 3– 8)

Kua hitaleh, Thagau
Thiangtho in Khrista ah a
siamthakte zosia chu, Thagau
in Khrista tawh pumkhat in ei
siamta a hi. A hileh Khrista ah
taksa pumkhat hita chu, bang
tawhbang i hieu em ti i hiat
theina ding un zia i lei taksau
hi tawh Sawlchak Paul in a
vak tekhnin hi. Zia chu: Taksa

pumkhat chung ah hin, tibâk a
kiletsak chuam thei tibâk a um
puai. Zia gual a chun, gingu
khat chule gingu dangte sang
in a kichawisanlo di a hi. Ama
leh ama kichawisang thei
gingtu chu, a gingu hina a
lêm tawhbang a la hikha thei
a hi.

Zia ziaak chun, Pathian thu in
ei hilna gual in, a hepina ziaak
in thilpiak chuam chuamte
eipe chiat hi. Taksa pumkhat
hinle tibâk chuam chuam a
nei ah, tichun amau septhei
ding dawl chiat nasep theina
piak a hichiat ui. Khut, keng,
kam, mit, nak, lei, bil leh a
dang dang, tibâk tamtak,
a nasep uh kibanglo hial
hemaleh, a thupi chuam a um
puau hi. Ziagual chun Khrista
ah tibâk chuam chuam i
hiziak un, Pathian ah kipat i
septhei dan dungzui chiat ua,
a thagau thilpiak piak, nasep
chuam chiat i chang ui (1
Ko 12: 12-13), zia taksa bak
chuam chuamte chun taksa
pumpi a ding in a sep gual
un, kithada lo hial ah, Pathian
lalgam nasepna ah sepna ei

HINNA VÂK

piakte zosia a lianleh a neu tilo in i septhei ding ah ei kipe taphawt, Pathian in ei guatna dungzui ah kipadamlo hial ah i pankhawm chiat ua i sep mai diu a hi (chang 4-8).

Pathian in vangam leh a lawmman tiamte haw zosia kha, khawvel ah a Kochuam Pastorte leh kochuam upate â di bep ah a siam hilo a hi, ti i hechiat ui (2 Ti 4: 8).

Lalgam nasepna ahin, i pan theina di dawl chiat ua i pan dinga a hi. Thawlawm tuak thei in tuak hitiu in, pauchap na lam ah thilpiak changte le pauchap hitiu.

» Ahileh, bang atia piangthak khat ka hi, kiti ngal ah panmun neilo gual ah kichawl mai di la hem? A hung ko ah, hung suthiangtho pa chun matna di bei in hung ko ah a hung suthiangtho lahi, ti kihian.

» Bang a h'em nang in la sep thei?

A na sêmding ah ei kopa chun sep di a hau hi. Ama dawng ah sêm nuamte â ding in a septheiu ama'n a hau hi.

» Kipan inla hile chun, Lalpa'n la septhei la lunggil ah a hun piak chu hun sepsak mai ding a hi.

Taksa tibâk zosia hi a pankhawm ua, a sepkhawm gual un, gingtute le a thada leh um mai mai umlo in ama ah pumkhat ding ah ei siampa na i sep chiat dinga a hi.

Khrista gingu chu Lalgam nasepna bep ah mawpuakna nei hilo in, gingu chanpite chung a le mawpuakna nei ahiau.

IV. GINGTU'N A GINGTU KIBAT PITE CHUNG AH MAWPUAKNA NEI (CH. 9-13)

Tulai gingu ka hi, kiti ngal ah midang â ding gel phalo a kitam hi. Ginna suapite i kihepi nau hile politics thei talua ta, bang a h'em khat i lawkpilo dingte chu va kihepi

zo talo. Ki unaupi ding le, zia gual ma tho a chu, i vak sawk theideu i chanaute kha vak kingaina chuam diak.

Ahileh, Pathian thu i munau a chun, “Hepina chu dawha panglo hihen la. Thil phalo chu huau inla, a pha chu tudet tau in” tia ei hil kihechiat tho a hi. Ahileh bang a tileh, kihepi dik umtalo, zangaina tawh kingainatna umtalo hi, i chennau gam politician-te gual ah ki-politician thei ma ma ziang khatto a hita diam?

Gingtu hina dawl ah i mawpuaknateu pawzo khuk le kium zo talo, a lim i thawkawm mai mai uh le bangta. I mawpuaknau chulah-

- i) Lungthim thiangtho tak ah, hepina diktak nei ah i gingtu chanpите hepi di, ki hi. A hiziak ah lah, kidawha pan gekguk tawl ziang.
- ii) Thilpha tudet di ei kiti, thil phalo haw di kihi. Chulah, thu phalo tutsawn a hat ah kihath thei mai, thil diklo va sukdik sang ah a gen sawn

nuam ah a kam kasa pang pawl ki um.

- iii) Kileplo hial ah kukal tak ah kipumpiak ah pang di ei kiti. Chulah, eima lo bep ah hapan, midang lo ah kilep, thawlawm thakuanna le a thada pawl hideu.

- iv) Thawkna ding ah thuak hat, thuak zo ding ei kiti. Chulah suan khat ngawl ah pauchap peile ki um ma ma lo.

- v) Gunchu tak ah pauchap di ei kiti. Dakkal khat sung pauchapna hun ah mat leh a pauchapna thu di he talo.

Zia gual gingtu ka hi, i kiti uhi zachat um in langai vang em?

Gingtu chanpi genthei leh liangvai mu zing ngal, a panpina ding ah a nei val hun ngak kitam. I dawi thei piak kinuam, a hiziak ah a kawp a thua ah nei phat leh piak di kigua. Zia tawhbang gingtu chun bangtin tasam khat chu a panpi ta diam?

HINNA VÂK

I gingu chanpite mai ah minphatna changlo in bangti'n Pathian mai ah minphatna va chang thei ding i hidiam?

Lal Jesu'n nangmau chung ah min bawl hen lati gual in mi chung inle nang in bawl in (Mat 7:12; Luk 6:31).

Gingu kahi, i kiti ziang vang ua, mi ngaidam tak tak na neilo le ki um, mi muthiamlo hau pawl le um. Mi kua a h'em in i chung ah hikhial a nei a hileh phuba lak theina di hawl pawl kitam. Ziate haw ziak ahi, melma kihau khawlaw a hi. A hinla, Pathian in "phuba lak di gaw kiunla, nang la kihepi gual in la kimvel ah mite hepi in" (Thp 19:18).

Hepina ziak ah i suapi gingtute pawl khawi malak sang ah hepina ah Pathian dan subutingte i hizawk ding a hi (Rom 13:10).

Gingu khat i hileh i suapi chung ah thilpha bawl di chu i mawpuakna a hi (Gal 6:10).

Thu mai ah kihepilo di, thilpiak leh nasep ah i kihepi

tua ding a hi (1 Jo 3:18).

V. GINGTU'N GINGLOTE CHUNG AH MAWPUAKNA NEI (CH. 14-21)

Gingu khat mawpuakna hi a lian ah lian a hi. Ginna i suapite bep hapi ah a na'u sep piak dingte i hipuau. Zia khêl lam pek ah eiu ei mudate, eiu melma ah kaw i ah ei sugentheite hepi a, Lalpa ah kipat thagaulam ah hinna a nei theina ding ua malzawl na pe dingte zawk ihiu.

Zia gual ah eila sugentheite'n Pathian ah kipakna a chan hun ua kipakpi dingte ihiu.

Kinepna neilo ziak ah gentheina tuak ah kapte kapi dingte ihiu.

Mi phalo khat, thil phalo a bawl lawtinna ah va kipakpi dingte chu hilo ihiu. Kipakte kipakpi ti hi. Thilpha kipakpi ding i hi zawu, va itthik leh va thangthip dingte chu hilo hial ihiu. Zia sang ah chun, Pathian dawisakna chang ah lawtinna leh kaisanna hung

changte kipakpi di, thagaulam ah kipakna neite kipakpi di ihu.

Mi zosia tawh kicham di chu i mawpuaknau khat a hi. A hinla, ginna ah Pathian thu kal ah thilbawlte chu amau dawidan ah va kichampi di tina vang a hipuai. Kituaklo theina thilte lak ah kiveng di leh, eimau le masanglai ah amau gual a, thagaulam vakvaite i la hinau kihet ah panpitude i hi zawk dinga a hi. Kilawiphatpi lo hial in kuaman la thu kimtakcha ei ngaithak piaklo di ahiau. Zia ziaak chun ginglote kilawi phatpi a pawimaw hi (Luk 16:9).

Ginglote chung ah i mawpuaknateu chu a tam ma ma hi.

- 1) Ginglote hukdamna ding ah palai nasep semte i hiu (2 Ko 5:20)
- 2) Ginglote kiang ah hudamna thupha paw dingte i hiu (Mat 28:19-20).
- 3) Ginglote a ding ah mei-vak i hiu (Mat 5:14-16).

4) Ginglote a ding ah pauchap zing Pathian telchuam Thiampute i hiu (1 Pe 2:9).

5) Ginglote kiang ah Khrista hiatsaktute i hiu (Nas 1:8; Rom 10:14-15).

Zia a chung ah i genteu zosia hi, eiu gingtute mawpuakna chiat a hi. Kingaitua tia, a khawi pen hi la sêm bukim ta'm?

La mawpuakna ka zo puai lati thei diam? Chuti hitaleh, Khrista tibâk khat chu a zeng tawitheilo gual ah umsak mai di la hi. Zia ziaak chun, kipan inla, la pan theina dawl in hung pang tia. Lalpa'n a hung ngansia nate sêmlo in um ziangkin.

Hun tawpni phat leh kisiklo ah la umtheina ding in gingu ka hi, lati a hi chun, tu ma ma hin kipan inla sêm ngal ziang in.

Dan khat to leh vaigei kha di la hi. Lalpa'n a thu malsawm ta hen. Amen.

JESU KHRIST PATHIANNA (DIVINITY OF JESUS CHRIST)

~ Rev. K. Laltlankima
Serampore College

Eiu Khristian lak ah hin Jesu Khrista Pathianna hi gen ngailo ah i kawiu le a hi maithei hi. Himaleh, i khawvelu leh mihing lungthim kitheng to zing kal ah hin dawtna mak tak tak, tumasang ah dawtna pawimaw ah i la kawi beklote le a hung pawimaw to ta zel hi. Ginglo mite chun Jesu Khrista Pathianna hi a pawmlo tâk unle a hidi mawng ah ngai thei a hi. Khristian hi ah kikawite lak ah hinle Jesu Khrista Pathianna gingla pawl i la um zing tau. A vangsiat um khawp mai hi.

Mi tamtak chun Jesu Khrista kha mipil tak, zilsaktu lopi tak in a ngai ui. Himaleh ama ah khan Pathianna (*divinity*) umlo in a ngai kit ui. Sakhaw chuam chuamte chun zilsaktu thupi tak tak i nei chiat hi. Etsakna'n Buddhist sakhua chun Gautama Buddha a nei ua, Islam in Muhammad a nei hi. Ziagual ah chun Jesu Khrista hi le Khristian sakhaw zilsaktu lopi tak a hia, ama ah hin Pathianna (*divinity*) bangma umlo gual in a ngai ui.

Ligonier Ministries â ding in Lifeway Research chun 'survey' a neina ah a zilchianu chu Jesu Pathianna chungchang ah mite ngaidan a hi. A thil mudawu hi a kipak um paw ma ma hi. America gam ah mihing tamzaw te leh Evangelical Christian i titeu lak ah mun thum a khen mun khat te chun Jesu hi zilsaktu lopi tak a hia, Pathian vang a hi puai ti ngaidan a nei ui ti a mudawk ui.

Bert Ehrman chu Khristian insung ah piang leh seilian a hia, Pathian thu thiam i titeu lak ah mi a hi. New Testament leh Early Christian Studies ah te'n 'Professor' a hi sek hi. Himaleh, tuhin chu Khristian le a kiti nuam tapua, 'agnostic' a kiti zaw ta mai hi. A lekhabu 'How Jesus Became God' ti ah khan "Zia lehkhabu bung (chapter) chuam chuam ah hin Khristian masate khan bang lam bang lam in le Jesu kha Pathian in a ngai puau ti hung kilang chian to zel di a hi" ti'n a zik hi.

Zia hi tulai thil umzia a hi zia in Jesu Khrista Pathianna hi i genchian thiam hung pawimaw deu deu di a hi. Chuti a hilo chun mi khenkhatte gual in Jesu Khrista hi sakhaw zilsaktu lopi takte lak ah pakhat gual bep ah ngai i lakua um kha pal hitiu.

Jesu Khrista Pathianna hi banggual in hechian thei di ihu em? ti hi dawtna pawimaw tak a hi tai.

A masapen ah chun Jesu Khrista'n bul a hung pat dan leh a tawp dan hi vak en lehin. Jesu Khrista chu mihing pian dan pangai in a piang ah, maleh a nu'n a vawp dan a hileh vang mihing nau vawp dan pangai a hi kit puai. Jesu Khrista chu pawsal panglo in Thagau Thiangtho in a vawpsak a hia, sakhaw zilsaktu lopi tak takte lak ah ziagual ah vawp chu kuama dang a um puau. Khawvel thiamna'n a sui thei khel lam ah vawp a hina hin ama ah Pathianna a um ngei a hi ti a suchian hi.

Jesu Khrista chu mi danglam tak a hi zia in mihing zosia tawpna'n a tawp puai. Eiu mihingte chu i taksa hi thina'n a tawp ah, Jesu Khrista chu vang a taksa thina hi a tawpna a hi puai. Bible ah kichian tak ah i mu gual in a taksa ngei in a tho kit tak tak hi. Jesu Khrista thawkitna hi khawvel pianken khel lam thil (supernatural) a hi. Sakhaw zilsaktu lopi tak takte lak ah kuama taksa ngei ah thokit a um puai.

HINNA VÂK

Jesu Khrista danglam ma mana chu a thi di thu vel bang a hem zat a genlawk ah, a thawkit di thu le a genkhawm sek hi. A thawkit di thu genkhawmlo in a thi di thu bep a gen ngai puai. A gen gual ngei in a thokit ngei hi. Sakhaw zilsaktu lopi dangte lak ah kuama'n a thawkit di thu gen ngam a um puau.

Jesu khan Pathian Gam chungchang a zilsak sek hi. Luka chun Jesu nasepna chu "Pathian gam Chanchinpha chu gen in khawlian leh khawneute a fang pek ah..." (Lk. 8:1) ti'n a khaikhawm a hi. Jesu Khrista a hung kilat ah kipat chet in Pathian Lal Gam (Kingdom of God) hi a kipan a hi. A kipat dan le khawvel mite gual ah lal lukhuk khuksakna kikhawp thupitak hilo in Bethlehem ah a pianna kipat in a hi kit hi. Ziakiak a hin Pharisaite kiang ah, "Pathian gam chu la lakun a um hi" (Lk. 12:21) a ti ngam ziang a hi. Pathian Lal Gam chu ama Lal Gam ah a tiam ngam ngal hi. Sakhaw zilsaktu dangte lak

ah kua a hem Pathian Lal Gam hi ama lal gam gual ah tiam ngam um? Jesu beplo chu kuama dang a um puai. Ama ah Pathianna a um hi ti a hiat chian ziak bep in a tiam ngam a hi. Zia hiatna chu neilo hileh chu tiam diak puan a.

Jesu khan 'thutak' (truth) a gen sek hi. A gen bep hilo in ama chu 'thutak' a hi ti a gen khawm hi. Sakhaw chuam chaumte hin 'thutak' hi i hawl pen lak ah khat ahia, a lampi le nasatak in i kikawkmuk sek ui. Ziate kawmkal ah chun Jesu chun, "Keima hi lampi leh thutak leh hinna ka hi" (Joh. 14:6) a ti ngam hi. Sakhaw zilsaktu dangte chun amau hi 'thutak' a hui ti in a kitiam diak puau; 'thutak' a zilsakua, a lampi a kawkmuk sekui. "Zia hi thutak chu a hi, zui un" ti'n a zilsak ziang sekui. Jesu'n vang ama chu 'thutak' a hi thu leh ama chu zui di a hi thu a tângkopi hi. A kikhiatnau chu a kichian tawk ma ma hi maw.

Thuthung Lui lam ah hin le Jesu chungchang zikna tamtak a um hi. Jesu khan Mosi'n ama chungchang a zik ngei hi ti a pawm ah, chuleh, Dan Lekhabu leh Jawlneite Lekhabu ahte'n le a chungchang hi a zikui ti a tiam ngam hi. Etsakna pakhat bep vak taklang lehin: Nazareth khua Synagogue ah a chia chung ah khan lekhabu a piau a, Isai 61:1-2 a sim hi. A sim zaw in lekhabu chu a pe kit a. Zia hun sung zosia hin kikhawmte mit chu ama chung in a chu tai. Tichun, Jesu chun, "Zia Pathian thu hi tuni hin la het ua a gitung tai" (Lk. 4:21) ti'n a gen a. "Isai hin ka chungchang a zik hi" a tina gual a hi. Zia hi ama a kimudan leh kipawmdan a hi. Sakhaw zilsaktu dangte lak ah Pathian Lekha Thu'n a chungchangu a zik hi ah tiam ngam a um puai.

Jesu chanchin ah thil langsal tak mai chu 'Messiah hina' (Messianic title) chuam chuam piak a hi kha a hi. Ama ngei inle 'Mihing Chapa' a

hi thu a gen hi. Zia 'title' hi Messiah 'title' ding ah pawm a hia, Danial kilakna ah kipat ngei ah lak a hi. Zia ban ah hin phunchiaklo in 'Pathian Chapa' hina le a pawm ziang hi. Zia hile Messiah hina (title) tho a hia, Sam 2:7 a kipat lâk a hi. 'Pathian' hi ah a kipawmna hi Messiah hina khuk nawp ziak bep hilo in Pathian tawh a kilaichinna danglam tak leh kumtuang dai a hina taklatna pawimaw tak a hi ti hi tepte khawm leu hin.

Zia hina pani ban ah hin Peter chun a ginna chu Jesu Khrista ah a nga'i ti a puang hi. 'Khrista' hina (title) a nei khawm kit a hi chu. Mi khenkhatte chun jawlneite lak ah mi gual ah a ngaiu le a hi thei hi. Himaleh, Simon Peter chun ziagual a chun a ngai pua; jawlneite'n a chungchang a genlawkna ah a ngai ziang hi. Peter chun Jesu chu lampi kawkmutu mai mai hilo in kawkmutu in a kawkmuchu a hi ti a pawm hi.

HINNA VÂK

Jesu thil bawlte kha vak ennawn kit hitiu. Ngun tak ah i sim chun Jesu khan mihing in i bawl theilo thil, Pathian bep in a bawlthei tamtak a bawl hi ti a hiatthei hi. Gitlona a ngaidam te kha mihing â ding ah bawl thei a hi puai. Mi kua a hem in i siatna di bawl in, ei gensia'n, ngaidam a hung dawt chun i la ngaidam thei sek hi. Himaleh, kua a hem gitlona vak ngaidam piak chu i thuneina khêllam pek a hi. Mihing in a mihinpi gitlona a ngaidam thei puai. Jesu'n a hileh vang zeng, chia theilo, a lawite'n in chung a kipat a lupna tawh a hung khaithâku kiang a chun, "Mihing! la gitlona te ngaidam a hi tai" ti'n a gitlona a ngaidam hi (Lk. 5:20).

Pharisai pakhat in Jesu chu an ne ding in a chial a, zia laitak ah chun a khuau ah numei duk daklo tak pakhat a kiang in a hung hi. Jesu kengbul ah kap kawm kawm in a ding ah, a mitthitui in Jesu kêng a sutawp ah, a sam

in a thiak ah, Jesu kengpêk chu a chawp ah, alabastar thau gimtui chun a thiak tai. Numei kiang ah chun, "La gitlona te ngaidam a hi tai" ti'n ngaidamna thu a puang hi. (Lk. 7"36-48). Gitlona ngaidam theitu chu kua hem? Pathian. Jesu'n zia mi panite gitlona ngaidamna thu chu a puang ah, Jesu chu Pathian a hi tina a hi chu.

Mihing in hinna i pe thei pua, Pathian bep in a pe thei hi. Jesu khan hinna petu a hi dan lam chuam chuam in a gen hi: "Keima hi hinna vaithum chu ka hi" (Joh 6:35), "Keima hi thawkitna leh hinna chu ka hi, ei gingcha taphawt chu thi maleu le hing zing in au" (Joh 11:25); "Keima hi lampi leh thutak leh hinna ka hi" (Joh 14:6). Ziate ban ah hin Jesu'n Samari numei kiang ah khan kumtuang dai ding hinna tui a pia (Joh 4:14), tangval hausa kiang ah khan a nei zosia zuak ah ama a zui phawt chun kumtuang hinna a piak di thu a gen kit hi. Jesu khan

'Belampu pha' a hi thu a gen chian ma ma kit hi. Belampu pha chun a belamte a vengbit bep hilo in hinna a pe nalai hi. Mithite kiang ah hinna petu a hi thu le kichian tak in a gen hi: "Pa chun mithi le kaitho kit ah, hinna a piak sek gual in, Chapa hinle a nawp nawp chu hinna a pethei hi" (Joh 5:21). Ziate zosia ah hin hinna petu a hidan leh mithisate le kaithotu a hidan a kilang hi. Ziate hi mihing in i bawl theilote a hi suak hi.

Paul in Jesu chungchang a genna hin a tawpna'n khak lehin: "Van ah a hem, lei ah a hem, Pathian min pu um maleu, (ziagual pathiante leh lalte tam tak chu a um him un) eimau â ding in vang, Pathian pakhat bep (Pa chu) a um ah, ama chu thil zosia siampa leh eimau le ama ah i umnau Pa chu a hi'n, ama jal ah thil zosia siam ah um leh, ama ziak ah i hinnau, Lalpa Jesu Khrista pakhat bep chu a um hi" (1 Kor. 8:5-6).

Zia Jesu tui uain suak sak khan la Insung, la hinkhua leh la masang hung theng danglam thei a hi ti hezing in. Then danglamna na chu a bawl zing nalai ah, zia thendanglamna nâ chu a nasep a hi ngal ah...

~Adrian Rogers

Lawng chawlna mun ah lawng chu a bit in thamuan a um ma hi, himaleh zia mai ding ah chun lawng chu siam a hi puai.

~John A. Shedd

A zangaina'n a hun kepbit zawlona ding mun in Pathian chun hun kawî puan tin, thil manpha leh lûl tak la chan theina ding in thil dang zosia la chân le a ngai maithei a hi.

~Bernadette Devlin

KNP HUANG

KOCHUAM NUMEI PAWL KIKHAWMPI LIAN 14-VEINA PROGRAMME

A mun : Lingsiphai Kochuam Biak-In
A hun : February 28 - March 2, 2025
Thupi : ***“Puakgik kidawntua hitiu” Gal. 6:2***

February 28, 2025 (Simhaini)

Palai Lawpna leh Report | 6:30 p.m.

Puitu : Pi Lhingkhovah, *Chairman*
Pantu : Pi Niangkhanngai, *Mata Pastor Bial*
Lapawl : Panglian Pastor Bial KNP
Reports Khaikhawmna : Pi Hoipakkim, *General Secretary*
Thugentu : Rev. Andrew LR Khiangte,
i/c Mata Pastor Bial

March 1, 2025 (Kiginni)

Devotion | 6:00 a.m.

Puitu : Pi Pautinting, *Committee Member*

VAIHAWMNA LEH KITELNA

10:30 a.m.

A mun : Mata Vengpi Kochuam Biak-In

Vaihawm kâl ah hun mat didan

10:30 a.m.

Hundan - I

Puitu : Pi Sawmching, *Mata Pastor Bial*
Pantu : Pi Tingneithiang, *Kawlhen Pastor Bial*
Thugenna : Pu Kamzathang, *Revival Speaker*
Thupi : “Lalpa muthei kanuam hi” (Luka 18:41)

Hundan - II

Puitu : Pi S. Melody, *Kangvai Pastor Bial*
Pantu : Pi Chongthianmawi, *Dumlian Pastor Bial*
Skits : S. Munnuam Pastor Bial
Seminar thupi : ‘Mo vanken chungchang’
Latu : Pu Khailalpiak, Assistant Professor,
Moreh College

February 2025

Pathian Biakna Kikhawp | 6:30 p.m.

Puitu : Pi Lhingkhovah, *Chairman*
Pantu : Pi Phallamhawi, *Phaipheng Pastor Bial*
Lapawl : 1) Sugnu Pastor Bial
 2) New Lamka Pastor Bial
Pauchapkhawmna : World Day of Prayer Thupi
Thilpiak : PWF World Day of Prayer â di
Thugentu : Pi Nemngaihchin, Assistant Professor,
 Churachandpur College

March 2, 2025 (Pathianni)

Devotion | 6:00 a.m.

Puitu : Pi Lalthazo, *Committee Member*

Pathian Biakna Kikhawp | 10:30 a.m.

Puitu : Pi Lhingkhovah, *Chairman*
Pantu : Nk. Th. Lianbawi, *Delhi Kochuam*
Thilpiak : CKNP â di
Lapawl : 1) D. Phailian Pastor Bial
 2) Synod Choir
Thugentu : Rev. Vanlalchhuanga, *Synod Moderator*
Thagaulam thupi : “Puakgik kidawntua hitiu” (Galatia 6:2)

Lapawl kidemna | 1:00 p.m.

“Mangthaite hawl ding in Khrista a hung piang” (KLB 314)

Pathian Biakna Kikhawp | 6:30 p.m.

Puitu : Pi Hoiniang, *Vice-Chairman*
Thilpiak : Zintuntu Bial KNP â di
Lapawl : 1) Mata Pastor Bial KNP Lapawlpi
 2) Synod Choir
Valedictory Sermon : Pi Lhingkhovah, *Chairman*
Lawmman hawpdawna : Rev. C. Lalremruata, *Consultant*
Puitu thakte latna : Rev. K. Neihsial, *Executive Secretary*

KKP HUANG

PASTOR BIAL KKP CONFERENCE (2025) MATNA MUNTE LEH PUITU THAKTE

LAMKA SOUTH PRESBYTERY

1. MATA PASTOR BIAL CONFERENCE 16-VEINA

A mun : Mata Vengpi

Thupi : “Pathian chawihawi
tau in” (I Korinth 6:20)

Puitu thakte

Leader - Pu Pausawmlal

Asst. Leader -

Tual Upa Langlalthamuan

Secretary - Tv. Henlallian

Asst. Secy. - Tv. Soiliankap

Treasurer - Pu Kambenjohn

Fin. Secy. - Tv. Gengoukhup

2. PANGLIAN PASTOR BIAL CONFERENCE 17-VEINA

A mun : S. Zezaw

Thupi : “Ipmu lai thawhal
a hun takzet tai”
(Romte 13:11)

Puitu thakte

Leader - Tv. Gensiamlal

Asst. Leader - Tv. Zamkhotinlal

Secretary - Tv. Letgoumang

Asst. Secy. - Tv. Jangminlen

Treasurer -

Nk. Lily Tingmuankim

Fin. Secy. - Nk. Nengjahoi

3. S. MUNNUAM PASTOR BIAL CONFERENCE 5-VEINA

A mun : Zion Kochuam

Thupi : “Kiging zing in um
un” (Matthai 24:42)

Puitu thakte

Leader - Upa Lalminlun

Asst. Leader - Pu K. Sonlal

Secretary - Tv. Dongminlun

Asst. Secy. - Tv. Kaplemlal

Treasurer - Nk. Ngaibawi

Fin. Secy. - Tv. Kamvenzui

4. SINGNGAT PASTOR BIAL CONFERENCE 1-VEINA

A mun : Muallum Kochuam

Thupi : “Thilpha hi dingah
hukdam” (Eph 2:10)

Puitu thakte

Leader - Pu Pauminbawi

Asst. Leader - Pu S. Thangminlun

Secretary - Tv. Khuplemlal

Asst. Secy. - Tv. Khailemmuan

Treasurer - Nk. Tingbiaklun

Fin. Secy. -

Tual Upa Khuplamtung

5. SUMTUKPHAI PASTOR BIAL CONFERENCE 1-VEINA

A mun : Sumtukphai Kochuam
Thupi : “La khangdawn lai
ni hin a hun siamtu
hezng in” (Thugentu
12:1)

Puitu thakte

Leader - Pu Lamjoylian
Asst. Leader - Tv. Manglalthalim
Secretary - Tv. Zoramthang
Asst. Secy. -
Nk. Bliss Lalremruot
Treasurer - Nk. Niangphahoi
Fin. Secy. - Tv. Hauthianlal

LAMKA NORTH PRESBYTERY

1. LAMKA PASTOR BIAL CONFERENCE 21-VEINA

A mun : Gangte Veng Kochuam
Thupi : “Lal Jesu gualte”
(Johan 15:14)

Puitu thakte

Leader - Pu Nenglalsang
Asst. Leader -
Pu S. Mangtinlen Haokip
Secretary - Tv. Thangmuanlal
Asst. Secy. - Pu Pauvanglian
Treasurer -
Nk. Kimthianmuan
Fin. Secy. - Pu Khaidoulion

2. KANGVAI PASTOR BIAL CONFERENCE 20-VEINA

A mun : Chawlmunnuam
Thupi : “Aw Lalpa nang â
dingin ei tung ding kit
in” (Ka Late 5:21)

Puitu thakte

Leader - Tv. Ellunlam
Asst. Leader -
Tv. Amos Bellallian
Secretary - Pu T. Manga
Asst. Secy. - Tv. Hauboi Vaiphei
Treasurer - Tv. Genminlun
Fin. Secy. - Tv. Paul Loveson

3. S. KAWTLIAN PASTOR BIAL CONFERENCE 17-VEINA

A mun : S. Kawtlian Kochuam
Thupi : “Pathian bête mi
hampha ahui” (Sam
34:8)

Puitu thakte

Leader - Tv. Kamzoulion
Asst. Leader - Pu Thangdoulion
Secretary - Tv. Kamdoisak
Asst. Secy. - Tv. Paulalsang
Treasurer - Tv. Damlalson
Fin. Secy. - Nk. Laldawngkim

4. LEILON PASTOR BIAL

*KKP Conference mat hun hi
lemchanglo na ziak in chawn
gamlat a hi.*

HINNA VÂK

TANGGAM PRESBYTERY

1. MUNPI PASTOR BIAL CONFERENCE 15-VEINA

A mun : Chiangpi Kochuam
Thupi : “Chingthei tak in um
in” (II Timothy 4:5)

Puitu thakte

Leader - Tv. Lamzamlal
Asst. Leader - Pu Lamsawnpau
Secretary - Tv. Lamthianson
Asst. Secy. - Tv. Khupbiakson
Treasurer - Tv. Pauminlal
Fin. Secy. - Tv. Manglalsawm

2. D. KHAWZIM PASTOR BIAL CONFERENCE 15-VEINA

A mun : Mualdak Kochuam
Thupi : “Kipumpiakna”
(Hebraite 10:12)

Puitu thakte

Leader -
Tual Upa P. Malsawm
Asst. Leader - Pu Thangkhup
Secretary -
Tv. Thanglunmang
Asst. Secy. - Tv. Tuakpi
Treasurer - Nk. Nancy
Fin. Secy. -
Nk. Niangthianjem

3. KAWLHEN PASTOR BIAL CONFERENCE 18-VEINA

A mun : Dawjang Kochuam
Thupi : “La siamtu hezing in”
(Thugentu 12:1)

Puitu thakte

Leader - Tv. Kamjoy
Asst. Leader - Tv. Robin
Secretary - Tv. Pauthiango
Asst. Secy. - Tv. HN Robert
Treasurer - Nk. Kimlam
Fin. Secy. - Nk. Joyce

4. PHAIPHENG PASTOR BIAL CONFERENCE 17-VEINA

A mun : Tuilileibul Kochuam
Thupi : “La hatlai in chia in”
(Vaihawmte 6:14)

Puitu thakte

Leader - Tv. Kamsawnlun
Asst. Leader - Tv. Paukaplian
Secretary - Pu SL Muan
Asst. Secy. - Tv. Lamsonlian
Treasurer - Pu Hauchansang
Fin. Secy. - Pu Manglalthuam

5. LEIJANGPHAI PASTOR BIAL CONFERENCE 15-VEINA

A mun : Tuikumuallum
Thupi : “Taimat sua un”
(Hebraite 6:11)

Puitu thakte

Leader - Pu Lalchansang
Asst. Leader - Pu Nekthiansiam
Secretary - Tv. Ginminlun
Asst. Secy. -
Tual Upa Khailalven
Treasurer - Pu Lamlalmuan
Fin. Secy. - Pu Genmuanlal

**6. PHAILIANBUNG PASTOR BIAL
CONFERENCE 15-VEINA**

A mun : Phailianbung
Thupi : “La theitawp suau in”
(II Timothy 2:15)

Puitu thakte

Leader - Pu Pausawnpap
Asst. Leader - Tv. Haulalmuan
Secretary - Tv. Khailunthang
Asst. Secy. - Tv. Tinminlun
Treasurer - Nk. Tingbiaknei
Fin. Secy. - Nk. Lamneifel

LAMKA CENTRAL PRESBYTERY

**1. D. PHAILIAN PASTOR BIAL
CONFERENCE 17-VEINA**

A mun : Bible Hill
Thupi : “La thahat lai in chia
in” (Vaihawmte 6:14)

Puitu thakte

Leader - Pu H. Manlian
Asst. Leader - Tv. Kamdinglian
Secretary - Tv. Khaithianven

Asst. Secy. - Tv. Kapzangam
Treasurer -
Nk. Evelyn Tinglalnei
Fin. Secy. -
Tv. Lamsawnthang

**2. NEW LAMKA PASTOR BIAL
CONFERENCE 11-VEINA**

A mun : New Lamka Kochuam
Thupi : “La thahat lai hin chia
in” (Vaihawmte 6:14)

Puitu thakte

Leader - Pu SL Robert
Asst. Leader - Tv. Kevin Goulain
Secretary - Tv. Kapsonlal
Asst. Secy. - Tv. Khambiaklal
Treasurer - Pu David
Fin. Secy. - Tv. Thanglallawm

**3. SUGNU PASTOR BIAL
CONFERENCE 13-VEINA**

A mun : Dongjang
Thupi : “Pakai ngah jing ho”
(Isaiah 40:31)

Puitu thakte

Leader - Tv. Seikholen
Asst. Leader - Tv. Khailemlal
Secretary - Tv. Chungminlen
Asst. Secy. - Tv. Limminthang
Treasurer - Nk. Hatneivah
Fin. Secy. - Nk. Nemneihoi

HINNA VÂK

4. DUMLIAN PASTOR BIAL CONFERENCE 12-VEINA

A mun : Dumlian Kochuam
Thupi : “Phatnan gitlona
chu thazo zaw ta’n”
(Romte 12:21)

Puitu thakte

Leader - Tv. Khailallem
Asst. Leader -
Nk. Freda Thiamnunsiem
Secretary - Tv. Paulemhao
Asst. Secy. - Tv. Siamkhopau
Treasurer - Nk. Hatfelzo
Fin. Secy. - Tv. Kaigouchung

5. DUMLIAN PASTOR BIAL CONFERENCE 1-VEINA

A mun : V. Khawnuam
Thupi : “Keima tilo Pathian
dang him him nei kiu
in” (Exodus 20:3)

Puitu thakte

Leader - Pu T. Zuan
Asst. Leader - Tv. Minlun
Secretary - Pu L. Mamang
Asst. Secy. - Pu T. Moia
Treasurer - Nk. Khawlunhoi
Fin. Secy. -
Tv. Khamminthang

KKP VAIHAWM KIKHAWP 8-VEINA PROGRAMME

A mun : Panglian Kochuam Biak-In
A hun : March 7-9, 2025
Thupi : “*Pathian nai un*” (Jakob 4:8)

March 7, 2025 (Simhaini)

Palai lawpna leh Biakna Kikhawp

6:00 p.m.

Puitu : Rev. Lallunglian Vaiphei, *Leader*
Pantu : Nk. Kimsawnhoi, *Comt. Member*
Report khaikhawmna : Tv. Lianmuanthang Vaiphei,
General Secretary
Lapawl : 1) Lamka Pastor Bial
2) New Lamka Pastor Bial
3) Tangphai Synod Choir
Thugentu : Rev. Th. Samuel Vaiphei,
i/c Panglian Pastor Bial
Kumpuan Bu hawwna : Rev. Vanlalchhuanga, *Moderator TPCS*

February 2025

March 8, 2025 (Kiginni)

10:30 a.m. - 3:30 p.m.

VAIHAWMNA

Pathian Biakna Kikhawp | 6:00 p.m.

- Puitu : Tv. Kennedy Paumuankhup,
Comt. Member
- Pantu : Nk. Tingsiamkim, Treasurer
- Lapawl : 1) S. Munnuam Pastor Bial
2) D. Phailian Pastor Bial
3) Tangphai Synod Choir
- Thugentu : Rev. Khaisonthang Vaiphei
i/c S. Kawtlian Pastor Bial

Kikhawppel | Fellowship

- Puitu : Tv. Lalminlian, *Comt. Member*
- Solo : 1) Sugnu Pastor Bial
2) Kawlhen Pastor Bial
3) Sumtukphai Pastor Bial
- Quartet : D. Khawzim Pastor Bial
- Thugen chawm : Pro. Pastor Lalgouliau
- Kumpuan Thillawkna : Rev. Lalpiaklian *i/c Gangpimual Pastor Bial*

March 9, 2025 (Pathianni)

Pathian Biakna Kikhawp | 10:30 a.m.

- Puitu : Pu V. Thangboi, *Assistant Leader*
- Pantu : Nk. Nengneichong, *Comt. Member*
- Lapawl : 1) S. Kawtlian Pastor Bial
2) Mata Pastor Bial
3) Tangphai Synod Choir
- Thupi gentu : Rev. C. Lalremruata, *Consultant*
- Thupi : "Pathian nai un" (Jakob 4:8)

HINNA VÂK

BIBLE STUDY | 1:00 p.m.

Puitu : Rev. Lallunglian Vaiphei, *Leader*
Male Voice : D. Phailian Pastor Bial

Pathian Biakna Kikhawp | 6:00 p.m.

Puitu : Tv. Mangzakhum, *Finance Secretary*
Lapawl : 1) Panglian Pastor Bial
 2) Dumlian Pastor Bial
 3) Tangphai Synod Choir
Thugentu : Rev. Vanlalchhuanga, *Moderator TPCS*

Kikhawppel | Fellowship

Puitu : Pu Henminlian, Comt. Member
Solo : 1) Munpi Pastor Bial
 2) Phailianbung Pastor Bial
 3) Leijangphai Pastor Bial
Quartet : 1) Phaipheng Pastor Bial
 2) Gangpimual Bial
Thugen chawm : Pro. Pastor S. Lunmuanthang
Short Play : Kangvai Pastor Bial (15 mins)
Special Item : Singngat Pastor Bial

**General Conference 14-veina 2026 Highlight : New Lamka Pastor
Bial ah kipat**



Sunna

**REV. THANGNEIPAU VAIPHEI
(KUM 48)**



Rev. Thangneipau hi Pu (L) Nengkholal leh Pi Tailam te nupan kikâl ah Pathian ah pat gil ah ga malsawmna cha panga (5) te lak ah a upapen a hi.

- A pianpite: (1) Nu Tingneisiam w/o Pu Vanlallian
(2) Nk. Nemngaithiam
(3) (L) Kamgoulia h/o Nianglahoi
(4) Pu Kailalmang h/o Dimneikim

Ama hi dt. 12 February 1976 in Red Cross Road, Hill-town, Churachandpur in a piang ah, dt. 22.12.1989 ah khan Pastor Sawizaneng khut in MCO Kochuam ah Baptisma a la chang hi. Ama hi a neu apat in mi pau tamlo, mi jaidam leh nu leh pa thumang thei tak in a hung khanglian in, 1989 kum in Pathian ah pianthakna a nei hi. Thiamjilna lam in Class XII, 1997 kum in a zo hi. Pathian nasepna lam ah thatnawpna nei in G.Th., Nazareth Bible College, Churachandpur in 1998 kum in a la zo hi. Grace Bible College, New Lamka ah B.Th. 2001 kum in a zil zo ah, Evangelist Teacher na sêm in B. Tuallian khua'n 2002-2004 sung a la um hi. Zia hun sung ma ah chun, Churachandpur College ah B.A. a zo a, zia nung ah chun 2009 kum in Aizawl Theological College (ATC), Mizoram ah kipat in B.D. a zilzo hi.

Dt. 7 January 2010 ah khan Darthangpuui d/o Pu (L) Kapdawla tawh Kochuam Dan thiangtho in Rev. Lalhmuchhuaka in a khutsui hi.

HINNA VÂK

A chate: (1) Maria Lamsiamhoi leh (2) Angela Lalhruaitluangi

2011 Mizoram Synod Kikhawmpi chun Pro. Pastor ding in a la'n, kum 2012-2014 sung in Khawruhlian Pastor Bial ah Pro. Pastor na a sem hi. Dt. 14.12.2014 ah khan Mizoram Synod Kikhawmpi ah, Mission Vengthlang Presbyterian Kochuam Biak In, Aizawl ah Synod Moderator Rev. Lalrinmawia khut in Pastor Ordination a la chang hi.

Pastor Bial a la puaknate:

- 2015-2018 Kawlhen Pastor Bial
- 2019-2020 Imphal Pastor Bial
- 2021-2024 Panglian Pastor Bial

Presbytery Moderator a la pannate:

- 2019-2020 Phaipi Presbytery
- 2023-2024 Lamka South Presbytery

Synod Committee ah a la pannate:

- 2022-2024 Pastoral Committee & Education Committee
- 2025-2027 Finance Committee

Pastoral Ministry ah a record:

- Baptisma a chansak zat : 191
- Kichensak zat : 46
- Upa namdet zat : 9

Panglian Pastor Bial ah na a sep zinglai in taksa damlona hung nei in dt. 28/2/2024 ni'n Guwahati ah chia in Health City Hospital ah Dr. Palavi pansan in a ki-enkawl hi. Dt.13/3/2024 ni'n Cancer (*Ewing sarcoma*) a hi hiatdaw a hia, dt.1/8/2024 ni'n surgery bawl a hi. September tha ah khan Radiation a kibawl ah, ahinlah phat lam manawlo in, a hung chau deu deu tâk ziak in Doctor-te phasakna dungzui in, In lam ah ki-enkawl ding in dt. 1/12/2024

ah khan a hung kilekit ah, zia ni ma ma hin Pathian mapuina zâl in In lum a hung tung ngal hi.

In ah theitawp ah etkawl a hi zing lai in dt. 30/12/2024 zingkal lam dak 4:00 in a it a ngai cheng leh a ngainat Kochuam mite nusia in a na a sep piak Lalpa kiang in a chawldam ta'i. Zia ni ma ma ah hin Lamka Kochuam intêkna in vuiliamna hun mat a hia, In mun ah Rev. PB Zosapthara, Consultant in hun a mang ah, a zaw in Lamka Kochuam Biak In, Red-Cross Road ah Tangphai Provisional Synod Moderator pawtdawk, Rev. Kamkhotinthang Neihsial in hun mang in, Synod Choir te'n thâkna La a sa thei ui. Thânmual ah Rev. Lamgoulia Hatlei in hun a mang thei ah, Insung mite leh Kochuamte'n it tak leh ngâi ma ma chung in vuiliam a hi.

*Zia chun a leng u'i tatsate,
Lei hinkhua hi a ngâi tapua'u;
Kumtuang hin tawplona gam ah,
Kikhawmpi a pel ngai tapua'u.*

*Report Petu,
Upa Lalbiaklian
Secretary
Lamka Kochuam*